

Tamina Suljić, bachelor prava - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Tamina Suljić, bachelor prava
Naziv Teme	Ostvarivanje i zaštita prava nacionalnih manjina u savremenim pluralnim društvima, sa posebnim osvrtom na Bosnu i Hercegovinu
Rezime/Abstract	<p>Ostvarivanje i zaštita prava nacionalnih manjina u savremenim pluralnim društvima je aktuelan problem iz razloga što se ta prava ne priznaju, odnosno nacionalne manjine se dovode u podređen položaj u odnosu na ostatak stanovništva i time se asimiliraju. Da bi jedno savremeno pluralno društvo uistinu bilo i demokratsko ono mora ne samo poštovati etnički, kulturni, jezični ili vjerski identitet svake osobe koja je pripadnik neke nacionalne manjine nego stvoriti i prikladne uvjete i efikasne mehanizme koji će im omogućiti izražavanje, zaštitu i razvoj tog identiteta. Jedan od prvih problema s kojima se susreću nacionalne manjine jeste što ni u savremenoj pravnoj (i politološkoj) teorijskoj misli kao ni u relevantnim izvorima savremenog međunarodnog prava ne postoji istovjetna i jedinstvena definicija manjine. Uvažavajući vrijednost različitih pristupa i brojnih pokušaja definiranja manjina, kao jedna od najbolje prihvaćenih je ona koju je dao bivši specijalni izvištio Ujedinjenih nacija Frančesko Kaportorti (Francesco Capotorti), prema kojoj je manjina „brojčano manja grupa od ostalog dijela stanovništva jedne države, u položaju da ne dominira, čiji članovi - državljani te države imaju s etničkog, vjerskog ili jezičnog gledišta karakteristike po kojima se razlikuju od ostalog dijela stanovništva i koji, što je samo po sebi razumljivo pokazuju osjećaj solidarnosti, u svrhu očuvanja svoje kulture, tradicije, vjere ili jezika“. Proces sudjelovanja nacionalnih manjina u javnom životu savremenih država doprinosi jačanju integriteta tih država, budući da su u slučaju uključivanja manjina u politički i javni život interesi svih dijelova građanstva zastupljeni u procesu upravljanja državom. Takođe, da bi se izbjegla pojava „urušavanja identiteta kultura“ koja je postala sve češća u savremenim pluralnim društvima, moraju se osigurati kako opšta prava i slobode svih pojedinaca tako i određena kolektivna prava koja pripadaju nacionalnim manjinama. Priznavanje etničkog pluralizma predstavlja preduvjet za razvijenu demokratiju u savremenom pluralnom društvu. Omogućavanje nacionalnim manjinama da razvijaju svoju kulturnu autonomiju, da se koriste svojim jezikom i pismom, da aktivno učestvuju u političkim procesima donošenja odluka, da nesmetano održavaju odnose sa svojim matičnim državama osigurava se poštovanje osnovnih ljudskih prava i sloboda. Kroz komparativnu analizu postojećih normativnih rješenja statusa i zaštite nacionalnih manjina u pojedinim susjednim državama, Republika Hrvatska, Republika Srbija i Crna Gora, u odnosu sa državom Bosnom i Hercegovinom, i na kraju poseban osvrt na problem zaštite i ostvarivanja prava pripadnika nacionalnih manjina u Bosni i Hercegovini, odnosno prednosti i nedostaci pojedinih rješenja koja su utvrđena u postojećem pravnom sistemu Bosne i Hercegovine utvrdio se pregled stanja nacionalnih manjina u navedenim državama i stepen ostvarivanja i zaštite njihovih prava.</p>
Datum	09.07.2018
Predsjednik	Dr sc. Izudin Hasanović, redovni profesor, Uža naučna oblast „Državno i međunarodno javno pravo“, Pravni fakultet Univerziteta u Tuzli
Mentor	Dr sc. Dženeta Omerdić, vanredni profesor, Uža naučna oblast „Državno i međunarodno javno pravo“, Pravni fakultet Univerziteta u Tuzli
Član komisije	Dr sc. Zlatan Begić, vanredni profesor, Uža naučna oblast „Državno i međunarodno javno pravo“, Pravni fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	dana 09.07.2018. godine sa početkom u 12,00 sati na Pravnom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.